

Iswrni Wrwinw hwnai Dehani Bitangki



*Amazing Facts
Study Guide*

13

Gedert medical-ni gejerjwng jwtn kalamnaia rangjwng bainw hayini besengwnang ... natai jwngnga mwjang dehani takwi doktor -kounw nangbaoliabla geder batra janai nonga nama? Mwjang, nwngtanga mitiyw nama je gwbang doktorfwrkou kamani maonainifrai bondo kalamnw mwntse fwrman-ni raha dong? ... Nwngni dehakou jwtn ladw! Bigiangirifrai cholesterol- bikani beram janai, thangu, stress-melemari narsintai, obesity-baradrai mwdwm geder janai, arw jou, befwrni swmwndwi sabodan kalamdwng, obla nwngw manw biswrni batrakou gwsww hwalasenw manw gaoni kafalkousw dai hwnw? Iswra tarwinw lubwiw je nwnw gaoni dehakou mabrwi jwtn kalam nangou, arw Biw nwngni deha mwjang janaini takwi mwntse wrwinw dehani bitangkikou jiuao lakinw takwi Baibelnifrai hwdwng! Swmwnangtao nonggubwigou sabsin-gahamsin deha arw gwbaosin jwrnaini takwi, be Study Guide – kou gwsww hwnanwi foraidw ... antai fwjwbnaini sigang wrwinw barlanga lasenw sigangnifrai gaswikoubw forailangnaini takwi kaolaibai!

1

Dehani nemkantifra tarwinw Baibelni switw dhwrwmni bahagw nama?

“Angni onjagra lwgw, angw aras kalamw, nwngha gaswiaobw mwjang tatwng, arw ang mitinai badi nwngw jwrwi jiuao mwjangwi dong bebadinw mwdwmaobw gwkrwngwinw tatwng” (3 Johon 1:2)

Finnai: Ou. Baibela mwjang dehakou boinikrui gwjousinni gwnangtarni gejeraw dwnnw. Sase mansini gwsww, atmik jiu, arw dehafrw swmwndw donglaiw arw nirbhor kalamlaiw. Be mwntamni gejeraw mwntseao nangwbla gubun mwntwbiaobw gwhwmm nanghwiw. Judi mwdwma gajri rkwmmwi bahai jabaibla, melemaobw mwjangwi sannw haya arw atmik jiuabw lwrbang jayw, beni takwi Iswrni bitangki badi jiu r kungnaia jaya ... arw nwngw abungwi twjase kusi jiu tangnw hanai nonga. **(Johon 10:10)** kou naidw.)

2

Iswra manw dehani nemkantifwrkou Gaoni mansifwrnw hwdwng?

“Ar be jwngni Fwrbu Iswra befwr ayenfwrkou faliflainw arargaoarikou ginw jwngnw hukum hwdwng. Jwngw bini hukumbadi taflaibla, biw jwngkou gwtangwi neffaigwn” (Huda Bijap 6:24). “Nwngswwr gaoswrni Fwrbu Iswrkou kulumbla, nwngswrni wngkam ar dwini sayao angw bwr hwgwn, ar rogfwrkou nwngswnifrai gwjan kalamgwn” (Ongkarlangnai 23:25).

Finnai: Iswra dehani nemkantifwrkou hwdwng manwna mansini dehani takwi mobea mwjang bikou biyw mitigou. Gari banaigra company-a mwntfwrmbw gwdan car-kou baibla, bini “operation manual” hwerdayw, manwna biswrw mitigou gari-a mabadi sabsin-gahamsin swlibai thayw. Iswra jwngni dehafrwkou banaidwng, bihabw jwngni takwi ‘operation manual’ dong. Arw biw Baibel. Iswrni be “operation manual” kou engarwbla oraibw rogfwr, gwrwnti sannaifwr, arw jwngni jiufrwkou kamhwgwn, jwrwi jwng mwntse car-kou mwjangwi bahaiabla be car-a gajri jayw arw geder kwifwt-ao gwglwinw hagou. Iswrni hwnai dehani nemkantifwrkou manibla jwngni “dehafrw basai jagwn” **(Gitfor 67:2 KJV)** arw abungwi twjase jiu jagwn **(Johon 10:10)**. Jwngni swmwndw laki najjwng, be dehani nemkantifwrni gejerjwng Iswra Switanni labwnai rogfwrnifrai jangar hwgwn. **(Gitfor 103:2, 3).**



3

Iswrni hwnai dehani nemkantifwra jahnai lwngnaijwng lwbba dongo nama?

“Mobeia mwjang bikou jah” (Jesaia 55:2). “Binikainw nwnswrww jeki maoa, jahblabw lwnghlabw gaswikoubw lswrni mohimani takwi kalam” (1 Korintiari 10:31).

Finnai: Nongou. Kristianfra “mobeia mwjang” bikou lo saikonanwi jaywbla ... gaswibw lswrkou mohima kalamnaini takwi jahnaiio arw lwnghnaiaobw farakti dong. Jebia lswra bungw be mungaya jahnaini takwi mwjang nonga, obla Biha mwjang wngti dongtarw. Biw onagari nonga, natai onsula Afa-sw. Bini foramosofra jwngni takwi oraibw mwjang. Baibela somaikira layw, “Gurgonanwi tabainai mansifwrnw biw gaham mungafwrkou hwa laba tanai nonga”

(Gitfor 84:11). Binikainw, lswra mobeba mungakou jwngnw hwabla, biw jwngni takwi mwjang nonga.

Gswao laki: Raobw mansifra gaoni gswsbadi jahnani eba lwnghnanwi swrgwao thangnw hanai nonga. Jisu Kristokou gaoni basaigiri arw Fwrbu sannanwi najaoblasw lo swrgwao thangnw hagwn. Iswrni hwnai dehani nemkantifwrkou engarwbla, jaianw jayamanw, bi mansini sannai gwhwa lwrang jananiw fap-aogwglwinw hagou, emonki biw basajianaikoubw kwrmananwi lanw hagou.

4

Eden baganao lswra mansifwrnw ma jahnw hwdwngmwn?

“Ar lswra hwnbai, “Nai, firtimiao bitai taigra gaswi mwigongfwr, ar begor gwnang bitai taigra bifangfwr manikou ang nwnswrnw hwnai jabai; nwnswrww bifwrkou jahnw mwngwn” (Jagajennai 1:29; 2:16).

Finnai: Gibiao lswra mansifwrnw jahnw bitai, begor, arw bingkong gwnang bitaifwrkou hwdwngmwn. Unao mwigongfwrkoubw jahnw hwderdwng **(Jagajennai 3:18).**



5

Iswra ma mungafwrkou rwkhwai sua gwnang hwndwng arw jahnw bada hwdwng?

Finnai: Lebi Bijap 11 arw Huda Bijap 14, ao Iswra gahaiao hwnai dwlwni mungafwrkou sua gwnang hwnnanwi bungdwng. Mwnnwibw balabfwrkou furawi foraidw.

- Junarfwrni gejerao je junarfwrni asigura kaonwi, ar adarkou saorainanwi jahya (**Huda Bijap 14:6**).
- Dwini jibi arw nafwrni gejerao jaifwrha aisa gwiyi eba sinsrio gang gwiyi (**Huda Bijap 14:9**). Bifwrkou nagarnanwi gaswibw nafra safa.
- Gaswibw daosenfwr, jaifra sikar kalamnanwi jahgrafwr, bedor gesao jahgrafwr, arw na jahgrafwr (**Lebi Bijap 11:13-19**).
- Bangsin "manbaigrafwr" (eba sinsrigwiyfwr) (**Lebi Bijap 11:21-44**).

Gwswoa laki: Be balabfwrni gejerjwng rwkha kalambai je bangsin junarfwr, daosenfwr, arw dwini jibifwrkou mansifwr jahnaifra safa. Theubw, makase mungafra engarjanaifwr dong. Iswrni nemkantifwrni baidibla, befwr junarfra suagwnang arw befwrkou jahnw nanga: Maojifwr, swimafwr, gorairfwr, utfwr, sillafwr, sigunfwr, omafwr, mandabfwr, sesafwr, ket-nafwr, kursiafwr, naturfwr, jinaikongfwr, kangkraifwr, naturkamfwr, samufwr, embufwr, arw gubunfwrwv dongbaow.



6

Jebba oma bedorkou mwjang mwnnanwi jahywbba, biw tarwinw Jisuni kebnwi fwinaiao fwjwbsrang jagwn nama?

"Manwna nai, Fwrbua rag jwngfrunawni orni salai fwrjwng gaoni siginaikou jafunghwnw takwi orjwng fwigwn ... Manwna Fwrbua or ar tunggrijwng gaswi mansifwrni sayao gaoni mamblakou fwjwpgwn; ar Fwrbujwng dantar janaifra gwbangtar jagwn. Jaifra gaoarikou fwtarw arw jinni gwiyi kalamw ... oma bedor, baidisina mugwijagra jinisfwr ar enjor bedor jahyw, biswrw lwgwsewi fwjwp jagwn" (**Jesaia 66:15-17**).

Finnai: Be gilw balu bagdao kangnaini batra janw hagou, natai be switwtar arw bekou bungtar nanggou. Baibela bungw jaifra "oma bedorkou" jahyw arw gubun sua gwnangfwr arw "mugwijagra" fwrkou jahyw biswrw Fwrbuni fwinaia somao fwjwbsrang jagwn. Jebba Iswra mobebafwrkou nagarnw thwnnw arw jahnw bada hwyw, jwngw jwrwikiya blabw Bikou mani nanggou. Jwngw mitigou, je Adom arw Haoaya Iswr bada hwnai fitaikou jahnawni be songsarao fap arw twinaikou labwbai. Swrbafwr bungwn hanai nama je jebw nonga hwnnanwi? Iswra bungdwng je mansifra fwjwbsrang jagwn manwna biswrw "Iswrni gaham mwnyikou "saikobai" (**Jesaia 66:4**).



7

Natai be sua gwnang arw sua nongyi junarfwrni nemkantifra mosenifrai jagaijendwngmwn na? Befwr lhudifwrni takwi lo nonga nama, arw be krusaonw jwbakwi nama?

"Fwrdua Nuhukou hwn dwng, ... Jat manini gwtar junarfwrkou Jw jwla jorasni, ar je junara gwtar nonga bi junarfwrkou jorafa jorafa," (Jagaijennai 7:1, 2).

Finnai: Gaswibw swnglufwrni finnaia nonga. Nuhua lhudi jati ujikangnaini beseba sigangnw dongmwn, oblabw biw sua gwnang arw sua nongyi junarfwrni bisoi mitiyw mwn, manwna biw dwini jahajao sua nongyi junarfwrkou jw jwla jorasni arw sua gwnangfwrkou jorafa jorafa ladwngmwn. **Nujahojanai 18:2** ao Kristo fwifinnaini sigang makase sua gwnang daosenfwrkou bungnai jadwng. Jisuni twinaia dehani nemkantifwrkou swlai swlo kalamakwi, manwna jafra be nemkantifwrkou swfaiw biswrw Jisuni fwifinnaiao fwjwbsrang jagwn (**Jesaia 66:15-17**). Lhudifwrni hwjwm kalamgra bibufra jwrwiblabw lhudi nongyi gubun jatifwrni bibufwr jwng farakti nonga. Be dehani nemkantifra gaswibw mansifwrni takwi arw orai somni lagwi hwnai jadwng.



8

Baibela jou lwngnaini swmwndwi mabafwr bungdwng nama?

"Joua nongkai gwhw hwyw, ar bangdrai jou lwngnaia mansikou murku jahwyw. Lwngglungnaia murkufwrnisw kamani" (Boson Bijap 20:1). "Joua gwjatarblabw, kuriao jwngklapilaiblabw ar lwngnaiao gwtaw mwnhaplai langblabw, nwn gw joukou dalubwi. Noka naiwi fungao nwn gw bis gwnang jiboujwng soujanaibadi mwngwn" (Boson Bijap 23:31, 32). "Jinahari kalamgrafwr ... eba feglunggrafwr ... biswrni raobw lswrni rajwao hapnw mwntarnai nonga" (1 Korintiari 6:9, 10).

Finnai: Ou. Baibela gwrawi jou lwngnaikou bada hwdwng.



Finnai: Ou. Baibela koha kalamgra fehwwgra nisafwrkou bahainaini berekawi do wngtifwr hwdwng, jaifra lswrni takwi hamja tao nonga:

- A. Koha kalamgra jinisfwrkou bahaibla dehakou jokom kalamw arw mwdwmkou badua kalamw.** “Nwngswrw gaoswrnwdi lswrni no, arw lswrni Jiuadi nwngswrniao dong, nwngswrw tarwinw mitia na? Binikainw swrbaya bi lswrni nokou songhar kalambla, lswra bikou songhar kalamgw. Manwna lswrni noa gwtar arw nwngswrnw be noa” (1 Korintiari 3:16, 17).
- B. Nicotine-na nisa jinis jaia mansifwrkou golam kalamw.** **Romari 6:16** ao bungdwng jwng gaoarikou jainw(eba jaikianw) gothaiw bininw jwng golam jayw. Thangukou bahaibla jwng nicotine-ni golam jayw. Jisua bungdwng, “Nwng gaoni Fwrbu lswrkou kulum, arw bikou lo dao dao kalam!” (Matai 4:10).
- C. Thangu bahainai soroa sua gwnang.** Binikainw Fwrba hwdwng, “Nwngswr biswrkou nagartar nanggwn, arw biswrnifrai gwjan jananggwn. Sua gwnangkou dadang, arw angw nwngkou najaogwn” (2 Korintiari 6:17 KJV). Jisukou jebw rwkwmni thangu bahainai sanna jebw wngti gwiyni sannai jaya nama?
- D. Koha kalamgra jinisfwrkou bahaibla ranga wrwinw bahaigarnai jayw.** “Nwngswrw wngkam nongyikou bainanwi manw taka koros kalamdwng?” (Jesaia 55:2). Jwngw rang hwjanai lswrni leng, arw “Lengni mwnse gwnangtara bigbajwng fwtajagra janaanw” (1 Korintiari 4:2).
- E. Koha kalamgra mungafwrkou bahanaia Gwtar Jiuni tulunga hwnaikou mitinaini takwi lwrbang jayw.** “Nwngswrw mwdwmni, lubwinai fwrro dahap, manwna befwrw oraibw nwngswrni jiuni jenga jayw” (1 Petor 2:11). Koha kalamgra mungafwrkou bahanaia mwdwmni lubwinai.
- F. Koha kalamgra mungafwrkou bahanaia jukou fusungw.** Bigianna fwrman kalamw je thangu bahaibla jiua gusung jalangsinw. Be lswrni sitarnaini hukumni bereka jayw (Ongkarlangnai 20:13). Emonki be laswiwi sitarw, theubw be sitarw. Nwngni twinaikou gwbaosinni unao kalamnaini takwi boini krusin rahaya thangu bahanaikou nagardw.

10

Ma gwnangtar antai gwrlwi dehani nemkantifwr Baibelao hwnai dong?

Finnai: Beao Baibelni 11 dehani nemkantifwr dong:

- A. Sanfrwmbw eke somao jah, arw junarfwрни mejem arw twikou dabahai.** “Sombadi jah” (**Upodesgiri 10:17**).
 “Raobw twi eba mejemkou jahnw mwnnai nonga”
 (**Lebi Bijap 3:17**).



Gwswao laki: Bigianna fwrman kalambai je baradrai bika narte- (heart attacks) ni jahwnna baradrai cholesterol-ni takwi jayw ... arw baradrai cholesterol-a mejem jahnnai takwi jayw. Beao jwng nunw mwnnw je biw ma bungdwng Fwrdua mitikayw, nonga nama?

- B. Baradrai dajah.** “Nwngha jahnw lubwi tardwngbla, nwngh gaoarikounw homtadw ... **Boson Bijap 23:2 KJV**.
Lukas 21:34, ao Kristoa bises kalamnanwi be jwbnai bwtwrao jahglungnai lwnnglungnainifrai sabodan hwdwng. Be baradrai jahnai, be mwntse sabodanwi jahyini takwi gwbbang beramfra uji kangw.
- C. Megon sanw nanga eba gwswao jenga thanw nanga.**
 Bebadini fap mwnnai thabla dehaia lwrbbang jalangw. Baibela bungw je megon sanaia “begeng ceonai badi” (**Boson Bijap 14:30**), Kristoa jwngkou gwswni jenga sannai kou sapa kalamnaini takwi hukum hwdwng (**Matai 5:23, 24**).

- D. Jwng oraibw kusi, rongjananwi thananggou.** “Ronja baja tanaia dehakou mwjangwi lakiw” (**Boson Bijap 17:22**). “Jwrwi biw gwrbwao sannw, bi sannai baidinw biw” (**Boson Bijap 23:7 KJV**) Gwbang mansifra sinta kalamnaini takwi rogfwrwng swinanwi dong. Kusi arw rongja bajawi tanaia jiukou fwlaow!

- E. Fwrbuniaio furawi bhorsa kalam.**

“Fwrbukou ginaia jiua dwiden langw, twbai hwnnanwi sanbla gaoarikou dukunifrai basaiw” (**Boson Bijap 19:23**). Fwrbuniaio nirbhor kalambla deha arw jiua gwkrwng jayw. “O angni bica, angni bungnaifwrao gwsw hwdw ... manwna biw jiu arw bini gaswibw dehakou gwkrwng kalamw” (**Boson Bijap 4:20, 22**). Gwkrwng dehaia lswrni hukumfwrkou maninaini gejerjwngsw fwiw arw biniao furawi bhorsa kalambasw jayw.



F. Somanti maonai arw undunai arw jirainaijwng lwgwse beyam kalamnai. “Kamani maonw takwi do dinfwr hwkabei, antai snini dina nwngni Fwrbu Iswrni lagwi Sabbatni din, bi dinao nwnng kamani damao” (**Ongkarlangnai 20:9, 10**). Maokrupgra mansini undunaia gwdwi jayw” (**Upodesgiri 5:12 KJV**). “Kafalni gwlwmdwijwng nwnng wngkam janw gwnang jagwn” (**Jagaijennai 3:19 KJV**). “Fungao sikanganwi hor toujase thanaia nongbang jabang” (**Gitfor 127:2 KJV**). “Songsarao hajase swinanwi maonaijwng mansiha ma mwndernai dong? Tangnanwi tanai somao gaswikoubw maonw hagou, antai duku ar dahani baire nwngha jebw gwia. Horaobw nwngha jirainai gwia. Befwr gaswibw nongkai bakailo” (**Upodesgiri 2:22, 23**).



G. Nwngni dehakou safa dwn. “Safa tha” (**Jesaia 52:11**).

H. Gaswiaobw sabodanwi tha. “Jaifra bantani takwi geleyw biswrw gaswiaobw sabodanwi thayw” (**1 Korintiari 9:25 KJV**). “Nwngni gurwi (barabw nonga komdraibw nongani) akua gaswibw mansifwrni sigangao nujuathwng” (**Filifiari 4:5**). Koha kalamgra mungafwrkou Kristianfra furawi engar garnagou arw je mungafra mwjang bifwrkou baradraibw nonga arw komraibw nonga bahai nanggou. Gajri soroni gejerjwng dehakou koha kalamnaia Iswrni mwense hukumkou swfaiw “Mansi dasitar.” Installment plan-ao biswrw fasi nangnai badi.



I. Dehakou koha kalamgra gaswikoubw engar (1 Korintiari 3:16, 17). Be nwnγκou swmwnganwhwnw hagou, natai dehani bigianna fwrman kalamw je saha, coffee, arw drug caffeine arw gubun koha kalamgra mungafwr thafadernai lwngragra dehakou koha kalamw. Sini eba gaiker makon-kou nagar nanwi beao gubun jebw besen gwnang jagra adar gwia, arw gwbangtar mansifra sinikou baradrai bahaiw. Dungkang hwgra jagra adarfa dehakou koha kalamw, dehakou gubwi nongyi tulunga hwgra mungafra wrwibadi je akaijwng nargra gari ficayao ton mwense gilirt ojonni mungafwrkou ladainai badi. Be gusu lwngrani mungdangkaya gwtaw mwnnaini nonga eba mitihwsarnaini nonga, natai beao fehwwra-caffeine arw sini dongdernaini takwisw. Gwbang Americani mansifra beram gwnang manwna biswrw coffee, saha, arw gusu lwngrani takwi nisa jabai. Befwrkou diabol Switana mwjang mwnw arw mansifwrni jiufwrkou nwstw kalamw.



J. Adar jahnai somkou kusini som kalam. Jwng boibw jahnanggou, lwnnganggou ar gaoni gaham kamani maonaini takwi rongja nanggou; be Iswrni hwnai dan” (**Upodesgiri 3:13**). Adar jahnai somao Kusi nongyi jabla hwjwm jajlaia. Befwrkou engar.

K. Jaifwrnw nanggou biswrkou hefajab kalam. “Inaini bandwkou keodw ... nasoi janaifwrkou sokonanwi hogar hordw ... ukwinaifwrnw nwngni wngkamkou rannanwi hwdw arw ... hwkar horjanai haorianw gaoni noao asroi hwdw; longtong nubla binw hi ganhwdw, arw ... nwngni mwjang jakangnaia gwkrwinw jagwn” (**Jesaia 58:6-8 KJV**). Bekou bujinw baradrai altua: Jwng jebla gwijayi arw haoriafwrkou hefajab kalamw, obla gaoni dehakounw jwng gwkrwngsin kalamnanwi lanai jayw.



11

Jaifra dehani nemkantifwrkou engarw biswrni takwi lswra ma sabodan hwdwng?

"Nwngswrw be batrayao gwrwnti daklam; raobw lswrkou swlwinw haya. Manwna mansia gao jekou fwgwn, bekounw hagwnbw" (Galatiari 6:7).

Finnai: Jaifra lswrni hwnai dehani nemkantifwrkou engarw biswrw baiflenai saosri arw kamnai jiufrwkou hagwn, jwrwi motorgarikou mwjangwi bahaibla gajiriwi jokom jananwi thagwn. Arw jaifra lswrni hwnai dehani nemkantifwrkou oraisom swfaibai thayw biswrw jwbthayao fwjwbsrang jagwn (**1 Korintiari 3:16, 17**). lswrni hwnai dehani nemkantifra wrwinw gao harsingni nonga ... bifwrw tarwinw, okhrang arw hani fosongnai ayenfwr, jwrwi (gravity)-gejerao bwktabgra ni ayen dong. Be ayenkou engarwbla kwifwt janaikou labwgnw! Baibela bungdwng, "Caoa tar wngti nongabla fwia" (**Boson Bijap 26:2**). Jebba jwng dehani ayenfwrkou mania obla kwifwtfra fwiw. lswra, doya kalamnaini takwi, jwngkou dehani ayenfwrni swmwndwi fwrmaiwr, jen jwng bini ayenfwrkou swfaibla duku dahafwrnifrai bargonw hanai badi.



12

Jwngni gotofwrni arw bicoufwrni dehakou lananwi ma hangmasunaini switw dong?

"Nwngswrw Fwrbuni be hukumkou falibla, Fwrbua nwngswrjwng kusi jagwn, ar nwngswrha ar nwngswrni jwlwifwrni lagwi gaham jagwn" (Huda Bijap 12:25) "Angw Fwrbu nwngswrni lswra jenga jujinaifwrkou swinanwi tanw haya. Jaia angkou mugwiw, angw biswrkou sajai hwgwn, ar biswrni jwlwifwrkoubw fritam firibrwisim swihwgnw" (Ongkarlangnai 20:5).

Finnai: lswra rwkha kalamdwng je jaifra dehani nemkantifwrkou mania biswrni murkoni takwi biswrni firibrwisim jwlwifra swinanggnw. Dehani nemkantifwrkou faliyini takwi biswrni lwrbang deha arw beram gwnang dehayao bicafra arw bicoufra jwnwm jahwigwn. Nwngni bicafra arw bicoufwrkou koha kalamgrafwrkou nwngw engar gargwn na?



13

Ma arwbao gubun gwnangtar nonggubwigou switwkou lswrni Raao fwrmaiw?

"Natai mungbw baduafra be (lswrni) nwgwrao hapnw hanai nonga" (Nujahojanai 21:27). "Antai jaini gwsa gaoswrni gajri fajri murtifwr ar mugwitao tao mungafwrkou hamjayw, biswrni maonaini bitaikou angw biswrni koroni sayao kwklwigwn" benw Fwrbu lswrninw bungnaia (Esekiel 11:21).

Finnai: Jebw badua kalamgra eba suagwnanga lswrni rajjwao hapnw mwnnai nonga. Gaswibw gajri sorofra mansikou badua kalamw. Mwjang nongyi adarfra mansikou badua kalamw **(Daniel 1:18)**. Be hangma sunaini batra natai switw. Gaoni gwswbadi lamafrwkou saikonai jaifwrkou lswra mwjang mwanna biswrw oraini basai janaikou kwmananwi lagwn **(Jesaia 66:3, 4, 15-17)**.



14

Nonggubwigou Kristianfra tabwinw ma kalamnw najananggou?

"De, jwngw jwngni deha arw jiukou fwtarni, arw lswrkou ginaijwng gwtar lamayao agan surni" (2 Korintiari 7:1). "Jaifra Kristonianio borsa dong, biswr safrwmbw Kristoa jwrwi gwgw, bebadinw gao gaoarikou gwgwywi lakidw" (1 Johan 3:3). "Nwngswrw angkou onwbla, nwngswrw angni hukumfwrkou manigwn" (Johan 14:15).



Finnai: Tar Kristianfra gaoswrni jiukou lswrni hwnai nemkantifwr jwng tabwinw gwrwbnaini kalamgn manwna biswrw bikou onnw. Biswrw mitigou je Bini ayenfra biswrni jiuaorongjanai labwnai arw biswrkou Switanni rogfrwnifrai rvikha kalamnai **(Tonhorjanai 10:38)**. lswrni foramorso arw ayenfra oraibw jwngni mwjangni takwi, jwrwi mwjang bima-bifafwrni ayenfra bicafrwni takwi sabsin arw hamsin. Jebla jwng mwjangwi mitibai obla lswra jwngnifrai hisab lasigwn. "Binikai swrbaya maonanggoukou mitinanwibw maoabla, biha fap jayw" **(Jakob 4:17)**.

15

Makase gajri sorofra mansifwrkou gwayrwi kananwi dwndwng. Biswrw ma kalamnw hanw?

"Jaifra bikou fwtaidwng, biswr safrwmbw biw lswrni bica janw ektiar hwdwng" (Johon 1:12). "Kristo hwnai bwlwjwng ang gaswikoubw kalamnw hajwbw" (Filifiari 4:13 KJV).

Finnai: Nwngw gaswibw sorofwrkou Kristoniao langnw hagou arw bini ateng gudwiao gothaidw. Biw rongjanaijwng nwngw gwdan gwsu arw gwhwkou hwgwn jaini gejerjwng nwngw mwnfrwmbw fapi sorofwrkou engarnw hagwn arw lswrni bicajla arw bicajw janw hagwn (**Esekiel 11:18, 19**). Beseba gwljwngtao arw gwsu gudungni batra je "lswrjwng gaswibw janw hagou" (**Markus 10:27**). Arw Jisua bungdwng, "Jaifra angniao fwiw Angw jwrwiblabw bikou engara" (**Johon 6:37 KJV**). Jwngkou kananwi dwnnai gaswibw jinrikou Jisua bosonanwi hwgwn. Jwng gonaiblanw Jisua jwngkou udangsri kalamnw nebai thadwng. Jwngni jingasinai, gajri sorofwr, usao badao janai, arw ginaia kargwn jebila jwng bini twannaikou manigwn, "Angni rongjanaia nwnsgwrmiao tanai badi arw nwnsgwrmni rongjanaia swfungjanai badi, befwrkou angw nwnsgwrmni mitihwkabai" (**Johon 15:11**). Diabola bungw je udangsria hukumfwrkou maniywini takwi jayw, natai be nongkai! (**Johon 8:44**).



16

lswrni gwdan raijwni swmwndwi ma jwbwt rongjanai somaikirafrw hwnai dong?

"Arw biao kaminai mansifra raobw bungnai nonga, 'Angw jobra'" (Jesaia 33:24). "Biao twinai, bika kamnai, gapnai, eba sanai-sunai gwibaolia" (Nujahojanai 21:4). "Biswrw gwdan jor mwnderlanggwn, biswrw kurua daoni soman gangkongjwng gwjouao birlanggwn, biswrw karblabw mengnai nonga, tabaiblabw lelainai nonga" (Jesaia 40:31).

Finnai: lswrni gwdan raijwni subungfra dehani nemkantifwrkou rongjanaijwng manijwbwgn, arw beao beram eba rogfrw thanai nonga. Biswrw oraibw laimwn bwiswini bwlwjwng bwr hwjagwn arw lswrjwng oraisomni lagwi jwbwt gwiwi rongjanai arw kusijwng tangnanwi thagwn.

17

Mwjang dehajwng jiu kungnaia Baibelni dhwrwmbila, nwngw lswrni hwnai dehani nemkantifwrkou maninw gwsu dong na?

Nwngni Finnai:

Nwngni Swnglufwrni Finnaifwr

1. **1 Timoti 4:4** ao bungdwng, “Iswrni swrjinaimanianw mwjang; munga mungseabw garjatao tao nonga.” Bekou nwng bijirnw hanai ne?

Finnai: Be bwswnao jahnai adarkou fwrmaidwng “Jai mungafwrkou Iswra swrjidwng arw bikou Bini mansifra hambai hwnnaijwng jahnw nangou” (3 siri). Be jahnai adafra **Lebi Bijap 11** arw **Huda Bijap 14** ao hwnai sua nongyi jahnai adarfwr. **4 siria** rwkha kalamw je gaswibw Iswrjwng swrjijana mungafra mwjang arw najaonw hanai, antai befwrw “(sua nongyi junarfwr” jaifwrkou “hambai hwnnaijwng najaonw hayw. ... siria rwkha kalamw je jwng be junarfwr (eba jahnai adarfwr) kou manw najaonw hayw: Befwrw Iswrni raojwng fwtar janaini, beao bungdwng befwrw sua nongyi, arw adarkou jahnaini sigang bwrni takwi “aros” kalamnai jayw. Onnanwi gwsawo laki, theubw, “jaifra gaoswrkounw gwtar sannanwi layw” antai sua gwnang adarfwrkou jahyw biswrw jwbthayao fwjwbsrang jagwn (**Jesaia 66:17**).

2. **Matai 15:11** ao bungdwng, “Kougajwng nwngw jekou jahyw, biw mansikou kalai kalama; natai mansini kougajwng jea ongkarw, besw mansikou kalai kalamw” Bekou nwng mabrwi bijirnw?

Finnai: **Matai 15:1-20** ni aidaya gibiao akaifwrkou sualaba jahnaini (2 siri). Beao jahnaini swmwndwi bungakwi natai akaifwrkou sunainisw aida. Ayengurufra fwrwngdwngmwn je mwense bises hudani bofjwrao akaifwrkou sua labanw jahywbla jahgra mansia sua nangw. Jisua bungdwng je be akaisunaini hudafra nongkai bakaisw. **19 siriao** makase gajri sannaiwrkou hwnai dong: mansi sitarnai, jinahari kalamnai, sikao kaonai, baidi baidi. Jwbthayao Biw bungbai, “Befwrjwngnw mansia sua nangw, natai akai suywia mansikou sua gwnang kalama” (20 siri).

3. **Natai Tonhorjanai 10** ni baidibla Jisua Petorni dwrswn nunaiao gaswibw junarfwrkou sua nongyi kalam jwbakwi nama?

Finnai: Nonga. Be dwrswnni aidaya junarfwrni nonga, natai mansifwrnisw. Iswra Petornw dwrswn hwdwngmwn je gubun harifrabw sua gwnang nonga, jwrwi lhudifra fwtaiwmmwn. Iswra gubun hari, Kornolius kou Petornisim thangnaini takwi gubun hari mansifwrkou twnhornw bitwn hwbai. Natai Iswra Petornw be dwrswnkou hwamwnbla bi mansifwrjwng lwgw lajlainai nongamwn, manwna lhudifra gubun harifwrjwng lwgw lajlaamwn (**28 siriao naidw**). Beni unni balabao (**Tonhorjanai 11**), naibla jwng nunw mwnnw je mwndlini lhudi swdrwmafra Petorkou gubun harifwrjwng rajilainaini takwi neusidwngmwn. Benikainw Petora biswrnw Iswr hwnai fura soloni dwrswnkou biswrnw fwrmaidwng arw bini wngtikoubw kwntadwng. Arw **Tonhorjanai 11:18** ao bungdwng, “Jebba Judaiai fwtaigrafra Petorni be bungnaikou kwnayw, obla biswrw sri-srai jadwng, arw Iswrkou baknainanwi hwdwng, “Oblalai gwsw fafinnanwi gwtangkou mwnnw takwi Iswra Gubunharifwrnwwb kabukou hwbai!”

4. **Oma bedorkou Iswra jahnw hwakwibla, manwtw bikou swrjidwng?**

Finnai: Je kamani-ni takwi sikra bazw daokou dakwr-dala seonai mungafwrkou safa kalamnw swrjidwng bikoubw eke kamani-ni takwi swrjidwng. Arw omya be kamanikou mwjangwi maow.



5. **(Romari 14:3, 14, 20) ao bungdwng: “Gaswikoubw jahgraya jayikou daneusitwng ... mwnsebw jahnai mungaya kalai nonga ... gaswi mungafwrkou jahnw hagou.” Nwng bekou bijirnw hagwn na?**

Finnai 3 siri-nifrai 6 sirisim jai mansifra makase mungafwrkou jahyw arw makase mansifra jaya biswrni gejerao faraktini swmwndwi hwnai dong. Be bwswnfwrwao swr switw beni swmwndwi bungakwi, natai gubunfwrkou bisar dakalam hwnnanwisw bungnai jadwng. Beni ongaywi, Iswranw bisar kalamgra jatwng **(4, 10-12 sirifwr)**. **14 arw 20** sirifwrao musukafwrni sigangao baonai adarfwrkou fwrmainai jadwn ... arw, benikainw, befwr huda baidiywi sua gwnang – **Lebi Bijab 11** ni sua gwnang arw sua nongyi bedorfwr nonga.

(1 Korintiar 8:1, 4, 10, 13 Fwrkou foraidw.) Aswl batraya benw je jebw adarfra “sua gwnang” eba “safa nongyi” nonga, manwna musukafwrnw baonaini takwi adarfra sua gwnang jaya, manwna musukaya “songsarao jebw nonga” **(1 Korintiar 8:4)**. Natai jai mansia be badi adarfwrkou jahnaini takwi sua gwnang mwnnw, biswrw jahnw nanga. Eba bebadai adarkou jahnaini takwi swrkoubafwr gajri sanhwbla, biw bikou jahnw nanga.


6. **Iswrni hwnai dehani nemkantifwrkou engar nanwi Fwrbukou lo onnwbla be twjase nonga nama?**

Finnai: Natai nwngw switw tarwinw Fwrbukou onnwbla, nwngw Bini dehani nemkantifwrkou maninw kusi jagwn manwna beao nwngw gwkrwngsin deha, rongjanai, arw gwgw dehakou mwnnw hagwn. “Bikou manigrafwrni takwi biw jwppnw gwiwi basaijanaini lama jadwng” **(Ebraiari 5:9)**. Jisua bungdwng, “Angkou onnwbla, nwngswrw angni hukumfwrkou manigwn” **(Johon 14:15)**. Jwng switw jwng Fwrbukou onnwbla, jwng Bini dehani nemkantifwrkou mania lasenw thanai nonga (eba gubunfwr hukumfwrkoubw) eba bahanafwr kalamnai nonga. Be badini akua Iswrni gubun aidafwraobw switw gwswkou nujahwyw. “Angkou o Fwrbu, o Fwrbu, hwnnanwi gapjrinai safrwmbw swrgw rajiwao hapgwn, be nonga, jaia angni Afani gwsw badi maogwn, biswr lo hapnw mwngwn” **(Matai 7:21)**.

Beyao Nwngtangni Bibungti Eba Swnglupwrkwo liranwi Swngdw



01



02



03



04



05



06



07



08



09



10



11



12



13



14

Be Study Guide a 14 fariaoni mwnselo!

Mwnfrwmbw aidaya gwmwtao nwngoutarfwjwng bungfobna dong bifwrw nwngkou
arw nwngni nokorkou swlaihgwgn arw oraisomni lagwi jwrnaini mijing hwgwn.

Be forainiaio dwidengra mwnfrwmbw bijabkou nagarnw nanga!

Study Guide 1: Nwngtanga Fwtainw Hanaini Mafawr Dongbaow Nama?

Study Guide 2: Iswra Switankou Swrjidwngmwn Nama?

Study Guide 3: Twitar Kabaimwn Binifrai Basaijabai

Study Guide 4: Okhrangao Mwnse Nwngwma

Study Guide 5: Khusi Julini Sabifwr

Study Guide 6: Ontaiyao Liranai

Study Guide 7: Jariminiao Gwmanai San

Study Guide 8: Jwbthayao Basaijanai

Study Guide 9: Gwgg & Gwhw

Study Guide 10: Gwtwifra Tarwinw Twitarbai Nama?

Study Guide 11: Switana Nwrwkni Bigwma Nama?

Study Guide 12: 1,000 Bwswni Gwjwnai

Study Guide 13: Iswrni Wrwinw Hwnai Dehani Bitangki

Study Guide 14: Maninaia Ayenbadini Nama?

Jebna nwng sigangni 14 Study Guidesfwrkou fwjwbgwn, obla nwngthanga jwngni advance set-ni takwi liranwi bihordw.

Amazing Facts India, Post Box No 51, Banjara Hills, Hyderabad - 500034

Fwrnaiti bilaikwo phwjwbnaini sigang onnanwi be aidakwo phoraiyw. Gaswibw pinnaifwrkow porainai guidao mwnnw hagwn. **Thar pinnaikwo dagi hwdw. (1) ao tanai anjimapwra thar pinnaipwrni onjimakwo dinthiyw.**

Formkwo abung kalamnw takai onnanwi “Adobe Reader” bahaiyo.

1. Befwr mansini saosrini takwi lswrni hwnai dehani nemkantifwr (1)

Be gotofwrni takwi gwnangti blabw gederfwrni takwi nonga.

Be switw Baibelni dhwrwmni takwi jwbwt gwnangtitar.

Be mansini dhwrwmni takwi jebw gwnangti nonga.

2. Dehani nemkantifwrkou hwnai jadwng (1)

Gibiao jwngkou swrijgra onsula lswra be dehani nemkantifwrkou jwngnw hwdwng arw jwngni kusini takwi mobea gahamsin Biw mitigou.

lhudifwrni takwi lo arw dinwi jwngni takwi gwnangti gwia.

jwngkou dintinw je biw bigba arw jwngkou sason kalamnw hayw.

3. Switw Kristiana (1)

Gaoni gwsu badi jahnai arw lwngnai.

Fwrbukou onswanwi lswrni hwnai dehani nemkantifwrkou engargwn manwna befwrw krsuao jwbkabai.

Bifwrkou lo jahgwn arw lwnngwn jaia saosri, melem, arw akukou gwkrwng kalamw arw lswrkou mohima kalamw.

4. Gibiao mansini jahnai adar (1)

Fitai, begor, arw bingkong tanai begor.

Jou arw bedor thadernai.

Adom arw Haoaya jekounw arw gaswikounw jahnw gwsu janai.

5. lswra be farilaiao hwnaifwrkou sua gwnang bungdwng: (7)

Mwsou	Shesha	Samu
Oma	Namaoji	Naturna
Dao	Mwi	Geder naturna
Mandab	Namaoa	Bwrma

6. Jou lwnгнаia (1)

Nem baidiwi Kristianfrabw lwnngjayw.

Gwrwnti sanwbla bi mansiha gwrwnti jagwn.

Kristianfra lwnngw nangtara.

7. Thanguku bahainaia (1)

Gao bahagwni kamani be dhwrwmjwng jebw lwbba gwia.

Fap, arw Kristianfra jebw rkwmao bahainai nonga.

Kristianfwrni takwi mulamfa.

8. Gahaiao hwnai farilaikou anjart kalamnanwi naidw bobea lswrni dehani nemkantifwr: (9)

Baradrai daja.

Jahkangblaw biri swb.

Kusi arw rongjananwi tha.

Adar jahnaini sigang jumai lwnng.

Nwngni saosrikou safsikon dwn.

Oma bedorkou burjawi jah.

Coffee arw sahakou burjawi lwnng.

Gaswibw bisoiao baradrai eba komdrai janw nanga.

Tik somao jahnanggou.

Megon sanw nanga.

Maonai, beyam kalamnai, arw undunaiao tik somni jananggou.

Fwrbuniao furawi bhorsa kalam nanggou.

Junarni mejem arw twikou dabahai.

9. lswrni dehani nemkantifwrni swmwndwi gwnangtar switwa (1)

Bima-bifafra lswrni hwnai dehani nemkantifwrkou engar naini takwi bicafwr arw bicoufwrni saosri arw melemfra lwrang jalanggwng.

Be ayenfra lhudifwrni takwi lo arw befwr dinwi swlia.

Jwngw Jisukou ontarwbla, Bini dehani ayenfra gwnang nonga.

10. Fapi sorofwrkou derhanw boini krui sabsin rahaya (1)

"Lwbba dala."

Kristoniao furawi gothai, jaia gaswikoubw maonw gwhw hwyw.

Jangar naini takwi mijingtainai.

11. Iswrni dehani nemkantifra (1)

Motor garikou jwrwi fahamw: Befwrw jwngni takwi sabsin gahamsintar, arw befwrkou engarwbla kwifwtao gwglwigwn.

Makase Moseni ayen jaifra krusao jwbbai.

Mwjang sannai, natai befwr Iswrjwng swmwndw lanaiao lwbba gwia.

12. Switw Kristiana (1)

Bangsin somao aros kalamgwn arw Iswrni dehani nemkantifwrkou engargwn.

Iswrni nemkantifwrni berekawi gaswibw sorofwrkou tabwinw swlaigwn, manwna jebba jwng Kristokou onnw, obla kusijwng Bini gaswibw ayen arw hukumfwrkou mani jwbwgn.

Thangkukou gwswbadi bahai.

13. Ang Iswrni hwnai dehani nemkantifwrkou maninaini takwi tangki labai.

Nongou.

Nonga.

Arw gaswibw swnglupwrni pinnaikwo hwnw ti kalam!



Mung tisonnw takai nwngtangni mung, email arw janbung nomborkwo hw. Nwngtangni unni guidefwrkwo mwnnw takai "Sabmit" ao click kalam

Nwngni mung :					
Nwngtangni Email :					
Janbung nambar :					
Nwngtangni tong :					
Nwgwr, Jilla :		Raijw :		Hadwr :	
Pin :		Bwisw takw :		Atwn :	

Nwngtangni fwnangjab
fwrmaidikwo update kalam: